

STYRESAK

GÅR TIL: Styremedlemmer
FØRETAK: Helse Vest RHF

DATO: 29.04. 2015
SAKSHANDSAMAR: Terje Arne Krokvik
SAKA GJELD: **Tildeling av internt lån til Helse Bergen - Mottaksklinikken**

ARKIVSAK: 2015/1767
STYRESAK: **062/15**

STYREMØTE: 18.06. 2015

FORSLAG TIL VEDTAK

Helse Bergen blir tildelt eit internt lån på kr 100 mill. til finansiering av Mottaksklinikken.

Oppsummering

Helse Bergen har søkt Helse Vest om lån på kr 100 mill. til finansiering av Mottaksklinikken.

Fakta

Styret i Helse Vest har i møte den 19.03.2013 under sak 075/13 B godkjent forprosjektet for Mottaksklinikken på Haukeland universitetssjukehus med ei samla kostnadsramme på kr 310 mill.

Helse Bergen har i styremøte 03.03.2015 under sak 16/15 A hatt ein ny gjennomgang av investeringsbudsjettet for 2015 basert på endeleg årsresultat for 2014 samt behovet for å sikre betre samanheng mellom finansielt grunnlag og investeringsbudsjett. For å sikre ei tilstrekkeleg finansiering av investeringsplanen har styret i Helse Bergen under nemnde sak mellom anna fatta følgjande vedtak:

«4. Styret vedtek å søke Helse Vest RHF om kr. 100 mill. i langsiktig lån for gjennomføring av prosjekt Mottaksklinikken»

Prosjektet er under gjennomføring og er venta å vere slutført i 2016.

Helse Bergen har synleggjort i sin styresak korleis finansieringa av investeringsplanen er tenkt gjennomført. Det vil framleis vere behov for interne lån seinare i perioden fram mot 2020 eller ytterlegare justeringar i investeringsplanen for å sikre det finansielle grunnlaget. Dette er forhold som Helse Bergen må ta omsyn til ved utarbeiding av dei årlege investeringsbudsjetta.

Det er og heilt nødvendig at Helse Bergen opprettheld eit resultatnivå som er i tråd med langtidsbudsjettet.

Administrerande direktør vil med bakgrunn i ein samla vurdering av Helse Bergen sin investerings- og finansieringsplan tilrå at det blir gitt eit internt lån på kr 100 mill. til prosjekt Mottaksklinikken.

Midla blir dekt inn gjennom det positive resultatavviket frå 2014 i Helse Vest RHF på kr. 440 mill. (samla resultatavvik i føretaksgruppa var på kr 451 mill.)

Konklusjon

Administrerande direktør tilrår å gje eit internt lån på kr 100 mill. til prosjekt Mottaksklinikken i Helse Bergen.